



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Achates Tiberianus, Sive Gemma Cæsarea, Antiquitate,
Argumento, Arte, Historiâ, prorsùs incomparabilis, Et cui
parem in Orbe Terrarum, non est reperire, D. Augusti
Apotheosin, Imp. Cæs. Tiberii, ...**

Le Roy, Jacques

Amstelædami, 1683

Petrus Gassendus Lib. 3. de vita Peireskii fol. 180.

urn:nbn:de:hbz:466:1-38368

PETRUS GASSENDUS

Lib. 3. de vita Peireskii fol. 180.

ADjiciendum verò, quod præterea non sine quodam numine Ectypum sulphureum obtinuit Camei alterius in ipso Imperatoris Cimeliarchio asservari Achates est similiter, sed superiore non nihil minor, quem Philippus Pulcher Piffiaci Monialibus legaverat (cùm habuisset ipse ab Hierosolimitanis Equitibus illum in Palæstina nactis) quemque per Bella Civilia furto sublatum Mercatores quidam detulerunt in Germaniam, ac divendiderunt Rudolpho II. duodecim millibus aureorum.

Expressus autem fuerat, adservatusque Ectypus, quem nescio quâ forte Peireskius asssecutus fuerit. Neque vero Ectypum modo, sed germanam etiam picturam consecutus est, elaboratam jam pridem celebris illius Nicolai Pictoris manu, cujus egregia opera in Fontis-Bellaquei Xysto inspectantur.

Præterea autem ejus figuras ita esse interpretatum, ut opinatus fuerit illis designari APOTHEOSIN VIVENTIS AVGVSTI. Quippè uti apud Josephum legitur factus ab Herode Cæsaris Colossus, forma, ac magnitudine JOVEM OLYMPIVM referens, itemque alius ROMÆ DEÆ par, referens JUNONEM ARGIVAM ita videtur in his figuris representari AVGVSTVS, habitu JOVIS OLYMPII una cum DEA ROMA habitu JUNONIS ARGIVÆ, apparentque aliunde JVPITER, & JUNO abeuntes locum cedere; itemque signum Scorpii contrahere brachia, cæteraque hujusmodi.

F I N I S.

